

**V**oi lustris pe emozion, sale straplene e la int che no si è alçade fin ae fin de proiezion, cuntune atenzion cuasi sacrâl.

Cheste in struc la sintesi de antepime assolude di “Quando la terra chiama”, il documentari di **Massimo Garlatti-Costa** realizât cul supuart di Ente Friuli nel mondo. Il film al à screade la rassegne “Le voci dell’inchiesta 2016” li di Cinemazero a Pordenon e al conte il drame dal taramot dal 1976 in Friûl midiant de vôs dai furlans che lu àn vivût des lôr tieris di emigrazion: Australie, Canadà, France, Svizze, Argjentine... Dai prins dîs dopo dal sisme, l’Ente Friuli nel mondo al à vude une funzion determinante, agjint tant che puint tra i furlans intal mont e la lôr Patrie di origjin. Il drame dal 1976 al à catalizât dutis lis energjiis e la volontât dai furlans tal forest, strents tra la angosse de assente di notiziis dai propri cjârs e il desideri di contribuî pe ricostruzion imediade. Il documentari al conte dutis lis iniziativis pro Friûl de bande dai siei “fis” lontans. A fasin di vuide traviers i varis moments storicis lis testimoniancans di gjornaliscj cognossûts, tra chei i inviâts Rai **Gianni Minà** e **Bruno Vespa**, ma ancje **Terry Spence** dal canâl australian Channel 9.

In sale a jerin, cul gnûf president **Adriano Luci**, propit Minà e **Edek Osser** che pe Rai a àn contât lis zornadis dopo di chê tremende scjassade dai



Un fotogram dal documentari di Garlatti-Costa

Voi lustris ae prime proiezion dal documentari di **Massimo Garlatti-Costa** a Pordenon.

» DI CHRISTIAN ROMANINI

## Cuant che la tiere e clame

6 di Mai. E ducj i doi a àn marcât un aspjet che us à plasût dal documentari di Garlatti-Costa “Ce biel sintî ogni persone intervistade fevelâ te sò lenghe: i furlans par furlan, i talians par talian e i anglofons par inglês... Une otime sielte!”.

### MARAVEÂT DAL ENTUSIASIM

Il stes regjist al è stât maraveât di dut chel entusiasim dal public “O jeri sigûr dal lavôr che o vevi fat - al comente sodisfat Garlatti-Costa, ma no mi

spietavi dute cheste dimostrazion di stime: la int mi fermave in sale e lis peraulis di Minà e Osser mi àn fat tant plasê. Il risultât al è ancje mert di Ente Friuli nel Mondo che mi à dade cjarte blancje”.

Cumò Ente Friuli nel mondo si prepare pes prossimis proiezioni e za si fevele di zontâsi tes celebrazions dal Cuarantenâl dai 6 di Mai. Par informazions plui detaiadis si pues domandâ telefonant al 0432504970.



redazione@ifriuli.it

### AFIDAMENT DAL SERVIZ

#### Avîs de Arlef pal Sportel linguistic

**E**varà une durade trienâl la intese firmade di pôc tra la Arlef (Agjenzie Regionâl pe Lenghe Furlane) e la associazion “Amîs de mont Quarine”, di Commons. Partint de colaborazion pe organizazion de “Fieste di viarte”, rivade ae sò decime prime edizion, l’intindiment al è chel di promovi il plurilinguissim e, in particolâr, l’ûs de lenghe furlane inte suaze de “Fieste” traviers de organizazion di un program culturâl specific.



**E jerin presints ae firme dal protocol li de sede dal Arlef, il president de Arlef, Lorenzo Fabbro, e la presidente de associazion, Melita Barbetti.**

### SCOLTADIS DI DRIUS

#### Miôr la bici vecje

Se e coste mancul le biciclete gnove el mecanic al cirarâ di convinciti ch’a l’è miôr justâ che vecje.



## Fieste furlane fuarte a San Marc

**MERÊT DI TOMBE.** Si podarès clamâlu un event di ‘culture furlane fuarte’. Al è l’apontament di Vinars ai 22 di Avrîl che a San Marc di Merêt di Tombe al scree la ‘Sale de Comunitât’ e il program de Fieste dal Paîs di San Marc. Si tache a sîs sot sere e si va dilunc par dute la serade cun peraulis, ideis, visions, storiis, contis, ritmis e sunôrs.

**La manifestazion, inmaneade cu la colaborazion di Radio Onde Furlane, e met dongje trê moments diferents. Il prin al è une gnove esibizion dai Cjastrons, che a mostra-**



ran cualchi cerce in antepime di Friûl Revolution, il lôr progjet audiovisîf tra realtât e finzion, dedicât al Friûl rivolu-

zionari di vuê e di doman, che al saltarà fûr chi di cualchi timp.

Dopo des visions ‘cjastronics’ al sarà spazi pe leterature furlane contemporanie e pe ostarie leterarie virtuâl Contecurte. L’Ostîr, il Berlon, il Famei e altris autôrs e letôrs di contis curtis a metaran dongje une bieles selezion di scrituris, leturis e efjets speciâi dal titul ‘Ce continuo a San Marc?’. Insom al rivarà ancje il moment de musiche cui LaipNessLess.

La Fieste dal Paîs di San Marc no je furlane dome tal non e te sò scree, ma ancje tal rest dal so program, che al va indenant fin al Prin di Mai.

Par savênt di plui: [www.paisdisanmarc.it](http://www.paisdisanmarc.it) e [www.ondefurlane.eu](http://www.ondefurlane.eu)